

籌辦夷務始末

第二函

十九冊

籌辦夷務始末卷之六十七

咸豐十年庚申九月甲辰

盛京將軍玉明。戶部侍郎兼署將軍倭仁。奏竊。等遵奉

諭旨。已將調兵籌餉。製備軍裝。採買馬匹等情。於九月初二日。由驛馳奏在案。旋承軍機大臣密寄。八月二十六日奉

上諭。據恭親王奕訢等奏。該夷長驅直撲。圓明園。焚燒街市等語。

夷氛猖獗。實堪髮指。著玉明即速調齊馬步隊官兵。製備軍裝。

火藥。無分晝夜。兼程前來。木蘭行在。以備防剿。並著星速傳知

吉林。黑龍江將軍。一體派兵內援等因。欽此。當即由驛六百里

加緊飛咨吉林。黑龍江。迅即派兵內援。一面催提熊岳馬

隊剋期來省。當將馬隊一千名。分作四起。頭起兵已於初六日啟行。以下挨次俱間一日兼程前進。等王明。俟兵馬粗備。即督同三起官兵。於初十日啟程。星夜催趕。馳赴木蘭。趨叩。

行在。所有

盛京將軍印務。等倭仁道

旨。即於初十日接任兼署。

硃批。知道了。

王明等又奏。竊等前因夷船廣集金州。誠恐該夷分遣奸細。混跡腹地。窺探虛實。當飭旗民各屬嚴密查拏。旋據

全州復州。蓋州。熊岳。旗民地方官先後拏獲奸細六十五名。或供為夷人偵探消息。或稱被擄逃回。供情不一。因此等人犯於濱海各城未便久羈。且恐夷人聞信爭索。轉致藉端滋鬧。飭令各該地方官將所獲奸細解省審辦。奏奉硃批。拏獲奸細自應解省研鞫。若直供不諱。受夷指使偵探虛實者。即就地誅誅等因。欽此。茲據才玉明景霖回省後會同李倭仁督率委員嚴加鞠訊。究出廣東人陳亞文。邱亞三。黃亞晚。黃亞登。黃亞瓏。李亞嬌。薛亞滿。薛金幅。高李嬌。刁木生。黃金瓏。鍾亞生。山東民人遇開選。宋克信。十四犯均供認為夷人作奸細屬實。應即先行擬結。查該犯等以內地人民。

輒貪微利。聽從該處指使。或窺探虛實。或分投藥物。竇與
助逆無異。值此夷氛猖獗。若不痛加懲創。將何以儆奸慝
而肅人心。陳亞文。邱亞三。黃亞晚。黃亞發。黃亞壠。李亞嬌。
薛亞滿。薛金幅。高李嬌。刁木生。黃金壠。鍾亞生。遇開選。宋
克信。均應遵

旨。立予駢誅。當於審明後。恭請

王命。將陳亞文等十四犯。綁赴市曹正法。

硃批。知道了。

陝甘總督樂斌奏。竊臣於八月二十九日。承准軍機大臣
字寄。八月十八日奉

上諭。噶喇雨夷。奪我大沽。破臺。占踞天津。現已帶兵直犯京師。禁
營城外。勢甚猖獗。亟宜厚集兵力。以靖逆氛。著樂斌迅速統帶
旗綠各營精兵。馳赴京城等因。欽此。查噶喇雨夷。此次竄擾津
沽。我

皇上軫念蒼生。不忍遽加懲創。實為
覆載之含容。乃該夷肆意鳴張。北犯

京師。殊堪髮指。現查陝甘各營。前次調派滿綠官兵六千五
百名。經臣飛行催趕。均已全數出境。其續派甘省滿綠官
兵三千名。亦皆啟程前進。陸續抵陝。接准署陝西撫臣譚
廷襄飛咨。奉

欽差辦理夷務恭親王奕訢創行。今即添派官兵赴京援剿。因陝省官兵不敷再調。咨臣酌辦前來。臣已於督標派兵四百名。甘肅提標派兵六百名。西甯鎮標派兵五百名。河州鎮標派兵二百名。涼州鎮標派兵三百名。共足二千名。均令挑選精壯配帶軍械馬匹鉛丸火藥。遠委曾經戰陣得力將備管帶即日啟程遵

旨由臣統帶星馳赴京相機合剿。所有應需餉銀必得寬為豫備。甘省無從籌此鉅款。容俟路過陝西山西面商該撫臣等。多為湊撥以顧要用。

硃批均照所擬辦理。

乙巳

欽差大臣恭親王大學士桂良戶部左侍郎文祥奏竊臣等於初七日將接到各夷照會及設法羈縻各情業經繕晰具奏在案旋准軍機大臣字寄九月初六日奉

上諭昨因夷人業已入城諭令恭親王等迅即進城與該夷盡押蓋印互換和約諒已接奉諭旨等因欽此仰見我

皇上深維至計安定人心之至意伏查自臣等給與英噶兩國照覆後初九日午刻經戶部將允給賠卹銀五十萬兩由庫發交並由臣等照會英夷詢以初十日何刻換約旋據恆祺等由營回來面稟該夷欲索看臣等所辦理換約全權

行事

勅書以便敘入續約章程內。經臣等恭擬

諭旨一道。飭令帶往觀看。並據運司崇厚帶呈暎夷續定條約。刪去一條。增添三條。暎夷增添二條。其餘字句亦有異同。而大致尚無出入。暎夷所刪一條。准該國欽差入京。以禮相待。一條。原其用意。額首業已入城。無庸再立此條。以便另添條款。亦足見其鬼蜮伎倆。得步進步。暎夷所增三條。一。廣東九龍司地方。并歸暎屬香港界內。一。續增條約。請明降諭旨宣布。一。華民出口赴暎。無庸禁阻。暎夷所增二條。一。照道光

二十六年

諭旨准軍民學習天主教給還各省學堂塋墳田土房產一隹華民出口。臣等查該夷屢次照會聲稱悉照天津原定條約何以忽有增減原應據理駁斥。無如自入城以後我之藩籬既失。彼之氣鼓方張。一經駁辯。難保不藉生事端。若稍涉迂拘。請

旨道行。既恐夷人不能久待。另生枝節。又迹涉諉卸。非

聖主委任之意。查九龍司地方。據該夷聲稱。已經兩廣總督勞崇光批准允租。則與給與無異。但事無實據。何可盡信。惟其地與香港毗連。係海口餘地。非內地要隘。可比。所稱宣布續增條約。既已互換。自當通行沿海各省。不待降

育。而自然宣布。華民出口一節。為害較甚。所幸尚有會同各省設立限制。天主教係八年原約。准其弛禁。其學堂塋墳等事。尚可緩為查明給還。臣等逐條審思。雖諸多違礙。但關繫大局。未便過於拘泥。因即允其收入續約章程內。惟往返數次。已過初十日之期。旋按照會。倣夷定於十一日未刻。倣夷定於十二日午刻。均在禮部畫押蓋印。互換和約。臣等屆期前往。該夷聲稱須傳集在京文武大臣。同赴禮部。意在鄭重其事。勝保慮有反覆。因派兵四百名防護。臣奕訢等前往。於換約時。即令該官兵悉紮正陽門外。祇帶護衛。並善撲營兵各十名。前赴禮部。以示坦白。倣首頓頭。陰

所帶隊伍甚多。見臣等左右帶兵甚少。相形之下。誠詐自
分。覺該夷桀驁情狀。為之頓減。然譬諸犬羊。時吠時馴。何
足以為喜怒。願旨又同原議。各賠現銀一百萬兩。改為五
十萬兩。其餘五十萬兩。歸於各關稅內。分年代扣。意存見
好。其實搶掠。

園庭所得較多。故肯從減。該夷呈出夷諭。勅書據單為憑。堅
欲奏請。

御批。方肯換約。經臣等再三開導。該夷復請。臣奏。於八年條約
後。另立字據。以為憑證。次日。哱夷換約。情形大畧相同。此
臣等連日辦理換約之原委也。竊思夷人焚掠。

園庭增添條款。種種要挾狂悖。實覆載所難容。臣等具有天良。豈有畏其逼迫。曲意求全之理。惟夷人久在京城。必生枝節。俄首又從中作祟。附京逼近。土匪橫行。即城內土匪亦蠢蠢欲動。訖言四起。此等情形。豈能持久。庫藏本極支絀。現在八旗月餉。援兵口糧。籌辦無術。尤恐餉竭兵譁。諸難措手。臣等通籌大局。實屬迫於時勢。不得不為目前之計。際此天氣尚未嚴寒。但能令夷兵迅退。即可及早迎鑒。第夷情詭譎。俟其撤兵之後。即當迅速馳奏恭請。

聖駕還京。惟天津原定續約。該夷換約後。即退至大沽。嗣於八月間。據該夷聲稱。以為時已晚。天氣漸寒。退禁天津過冬。經

臣等奏

開在案。惟天津距京較近。該夷有無反覆。實難豫定。如將來回鑾時。應如何防範。再與勝保商酌辦理。又原議允給現銀二百萬兩。已據改為一百萬。以四十日為期。查現在戶部除已發給五十萬兩外。僅存三十餘萬兩。內庫存銀一百十餘萬兩。宗人府存銀五十萬兩。數處撥湊。雖敷給與。但鑒與還京用款尚鉅。亦未便罄其所有。盡以給夷。計期限既定四十日。自應早為籌撥。免致失信。另啟釐端。應如何

飭令附近省分。湊撥並動用何款之處。伏候

訓示遵行。至俄夷伊酋屢次照會。均有力不從心之意。而轉以伊

國未了之事為請。其狡詐可知。然未便即行拒絕。至生他變。是以給與照覆。暫為羈縻。其喚啼兩夷。續定條約。夷諭勅書。據單。及臣等所給與據單。並歷次照會。共十一件。俄夷照會。共二件。臣等恭擬諭旨一道。照覆三件。一併鈔錄。恭呈御覽。

恭親王等又奏。竊臣等奉

命辦理議撫事宜。自應殫竭血誠。迅速議定。既可及早迎

鑒。亦於

國計或有挽救。乃自八月初八日以來。幾及四旬。始能換約。

該夷扶陵處被擄夷匪之嫌。兩次焚掠。

圓庭。臣等未能設法保護。而原議條約。非惟不能刪減。且任其要扶增添。並給賠卹銀五十萬兩。種種錯誤。雖由顧全大局。而捫心自問。目前之所失既多。日後之貽害無已。實屬辦理未臻妥善。相應請

旨分別議處。以示懲儆。

恭親王等又奏。再正在具摺間。接奉九月初九日寄

諭。俄首既願從中說合。不必拒絕。設能如其所言。於撫局不無裨益等因。欽此。查俄夷伊首前有願為說合之意。經臣等給與照會。令其前往。並據瑞常寶鑒麟魁成琦等。均以該夷未可

拒絕願與晤面往說。嗣據該酋照覆。有力不從心之意。而轉以伊國未了之事為請。亦經臣等給與照覆在案。本日復接伊酋照會。以喀喇兩國業已換約。仍以所祈之事。請派大員前往商酌等語。臣等思喀喇兩夷敢於如此猖獗者。未必非俄首為之慫恿。現雖和約已換。而夷兵未退。設或暗中挑釁。必致別生枝節。且該酋前次照覆。有兵端不難屢興之語。該夷地接蒙古。距北路較近。萬一釁啟邊隅。尤屬不易措手。查前次該酋向崇厚等面稱。允給喀喇銀兩。尚可從緩。且可酌減。並不久駐京師。夷兵亦令退至大沽等處。現喀喇議減現銀一百萬兩。難保非該酋預探此